

EC

MA NDRYSHE

EKO SHKOLLA

- REDUKTO - RIPËRDOR - RICIKLO -



EKO KLUBI "REMZI ADEMAJ"

4



Republika e Kosovës
Republika Kosova-Republic of Kosovo
Qeveria - Vlada - Government
Ministria e Zhvillimit Rajonal
Ministarstvo za Regionalni Razvoj
Ministry of Regional Development

CARITAS

Schweiz
Suisse
Svizzera
Svizra

YENI

YOUTH
ENVIRONMENTAL
IMPACT



Të dashur lexues,

Kjo është seria e katërt e buletineve mjedisore të eko-klubeve të shkollave të mesme nga Rajoni i Jugut (komuna e Prizrenit, Mamushës, Rahovecit dhe Malishevës). Ky është buletini i parë informativ, i cili do të përmbajë mesazhe, intervista, ese, punime fotografi dhe shkrime të ndryshme mbi mjedisin dhe ndryshimet klimatike dhe njoftime mbi punën që po zhvillohet në këto tema nga eko-klubi i Gjimnazit "Remzi Ademaj" dhe OJQ EC Ma Ndryshe në kuadër të projektit "ECO School".

Ky projekt do t'i njohë me konceptin "Eko Shkolla" 12 shkollat e rajonit të Jugut (komuna e Prizrenit, Mamushës, Rahovecit dhe Malishevës), përmes pilotimit të formave dhe metodologjisë për mbrojtjen e mjedisit me pjesëmarrje të gjerë të nxënësve dhe mësimeve.

Në kuadër të projektit ofrohet një model dhe metodologji që përdoret gjerësisht në vendet e zhvilluara, e cila po zgjerohet me shpejtësi edhe në vendet në zhvillim. Përvojat botërore tregojnë se shkolla ekologjike është një fenomen në rritje, e cila nxit të rinjtë të angazhohen në mjedisin e tyre duke u dhënë atyre mundësinë për ta mbrojtur atë në mënyre aktive.

Projekti po ashtu do të kontribuojë në Strategjinë e Mjedisit dhe Planin e Veprimit në Mjedis të Kosovës, duke rekomanduar zhvillimin e programeve për edukimin mjedisor në të gjitha nivelet (shkolla dhe universitete).

PËRGJEGJËSIA INDIVIDUALE PËR MBROJTJEN E MJEDISIT

Përgjegjësia individuale për mbrojtjen e mjedisit nënkupton veprimet dhe qëndrimet që secili prej nesh mund të ndërmarrë për të kontribuar në ruajtjen e planetit dhe për të minimizuar ndikimin negativ që kemi ndaj tij. Kjo përgjegjësi mund të përfshijë një sërë veprimesh të thjeshta dhe të përditshme, si dhe angazhime më të thella në jetën tonë. Ja disa mënyra se si mund të ushtrojmë përgjegjësinë tonë individuale për mjedisin:

1. REDUKTIMI I KONSUMIT TË ENERGISË DHE BURIMEVE:

- Fikni dritat dhe pajisjet elektronike kur nuk janë në përdorim.
- Përdorni energji të rinovueshme kur është e mundur, si panele diellore.
- Zgjidhni pajisje me efikasitet të lartë energjie.

2. REDUKTIMI I MBETURINAVE:

- Ricikloni plastikën, letrën, metalin dhe qelqin.
- Përdorni produkte të ripërdorshme si çanta, shishe uji dhe gota.
- Kompostoni mbetjet organike për të krijuar pleh natyral.


3. REDUKTIMI I KONSUMIT TË UJIT:

- Mbyllni rubinetin ndërsa lani dhëmbët apo lani duart.
- Instaloni pajisje për kursimin e ujit në rubineta dhe dush.
- Përdorni ujë të ricikluar për ujitjen e kopshtit.




PËRGJEGJËSIA INDIVIDUALE PËR MBROJTJEN E MJEDISIT

4. PËRDORIMI I TRANSPORTIT TË QËNDRUESHËM:

- 
- Ecni, përdorni biçikletën ose transportin publik sa herë që është e mundur.
 - Shpërndani makinën me të tjerët për të reduktuar emetimet.
 - Zgjidhni makina elektrike ose hibride për të ulur ndotjen e ajrit.

5. NDËRGJEGJËSIMI DHE EDUKIMI:

- 
- Edukoni veten dhe të tjerët për çështjet mjedisore dhe rëndësinë e mbrojtjes së mjedisit.
 - Merrni pjesë në aktivitete komunitare për pastrimin e mjedisit.
 - Mbështesni politikat dhe iniciativat që promovojnë mbrojtjen e mjedisit.

Duke ndërmarrë këto hapa, ne mund të bëjmë një ndryshim të rëndësishëm në ruajtjen e mjedisit për brezat e ardhshëm. Çdo veprim i vogël ka rëndësi kur bëhet në shkallë të gjerë dhe kontribuon në një të ardhme më të qëndrueshme.



AKTIVITETET E EKO-KLUBIT:

EKO KLUBËT MËSOJNË PËR NDRYSHIMET
KLIMATIKE DHE PËR FORMAT E AVOKIMIT
MJEDISOR



AKTIVITETET E EKO- KLUBIT:

EC-I ME EKO-KLUBET SHËNOI DITËN BOTËRORE TË MJEDISIT



Në këtë aktivitet kanë marrë pjesë 12 Eko-Klubet e Shkollave të Mesme të Rajonit të Jugut (nga komunat Prizren, Rahovec, Malishevë dhe Mamushë).

Shfaqja e filmit është pasuar me diskutim në mes anëtarëve të Eko-Klubeve mbi çështjet mjedisore dhe urgjencën për veprim lidhur me ndryshimet klimatike, tema këto të trajtuara edhe në dokumentar.

Gjatë këtij aktiviteti të rinjtë janë ndërgjegjësuar për domosdoshmërinë e një reagimi të shpejtë sikurse edhe për rëndësinë e pjesëmarrjes së të rinjve në proceset avokuese për të adresuar ndryshimet klimatike dhe mbrojtjen e mjedisit, si çështje të rëndësishme për të ardhmen e planetit dhe brezave të ardhshëm.

EKO KLUBET VIZITOJNË IMPIANTIN PËR TRAJTIMIN E UJËRAVE TË NDOTURA NË PRIZREN

Gjatë këtyre vizitave, nxënësit janë njoftuar me mënyrën e menaxhimit të këtij impianti, por edhe trajtimin e ujërave të ndotura duke përfshirë proceset e filtrimit dhe pastrimit të ujit të ndotur, teknologjitë e përdorura për trajtimin e ujërave dhe rëndësinë e mbrojtjes së burimeve ujore. Ata gjithashtu u informuan për kapacitetin e impiantit në Prizren, sasinë e ujit që trajtohet çdo ditë, dhe llojet e ndotësve që largohen gjatë procesit të trajtimit.

Vizitat kanë përfshirë edhe diskutime mbi ndikimin mjedisor dhe shëndetësor të trajtimit të duhur të ujërave të ndotura, si dhe rolin që ka komuniteti në mbrojtjen dhe menaxhimin e qëndrueshëm të ujërave.



PLANET E VEPRIMIT MJEDISOR PËR 12 SHKOLLAT E MESME TË RAJONIT TË JUGUT

CARITAS

Caritas
Suisse
Svizzera
Svizzera

YENI YOUTH
ENVIRONMENTAL
IMPACT



Republika e Kosovës
Republika Kosovo-Republic of Kosovo
Kosovo - Kosovo - Kosovë
Ministria e Zhvillimit Rajonal
Ministry of Regional Development

PLANI I VEPRIMIT MJEDISOR



**GJIMNAZI
"REMZI ADEMAJ"**

QERSHOR 2024

EC Ma Ndryshe ka publikuar planet e veprimit mjedisor për 12 shkollat e mesme të larta të Rajonit të Jugut. Këto plane janë hartuar në bashkëpunim me profesorët dhe anëtarët e Eko-klubeve gjatë një serie të punëtorive të realizuara.

Gjatë këtyre punëtorive nxënësit kanë pasur mundësinë të diskutojnë dhe të identifikojnë problemet ekzistuese në shkollë dhe komunitet dhe kanë treguar aktivitetet që i realizojnë dhe që do të donin ti realizonin për ti zgjidhur problemet që ndërlidhen me mjedisin dhe ndryshimet klimatike.

Këto plane janë të rëndësishme për ti edukuar nxënësit rreth rëndësisë së mbrojtjes së mjedisit dhe për të krijuar një kulturë të qëndrueshme brenda komunitetit të shkollës. Ato do t'u shërbejnë shkollave si udhërrëfyes për realizimin e aktiviteteve të ardhshme, duke inkurajuar pjesëmarrjen aktive dhe ndërgjegjësimin e nxënësve për çështjet mjedisore dhe ndryshimet klimatike.

EKO KLUBI "REMZI ADEMAJ"

RR. REMZI ADEMAJ, PRIZREN, KOSOVË

Autor dhe botues: EC Ma Ndryshe
Rr. Fehmi Lladrovci Nr.94, Prizren & Rr. Xhemajl Mustafa 9/1 LL-4 Nr.7,
Prishtinë
www.ecmandryshe.org
info@ecmandryshe.org
029 222 771 & 038 224 967

Ky buletin u realizua në kuadër të projektit "Ndikimi i Rinisë në Mjedis" - YENI, i cili bashkëfinancohet nga Agjencia Zvicerane për Bashkëpunim dhe Zhvillim, Caritas-i Zviceran, Ministria e Zhvillimit Rajonal dhe implementohet nga OJQ EC Ma Ndryshe përmes projektit "ECO Schools".